

Vísindanefnd

Nýtt erindisbréf vísindanefndar háskólaráðs var samþykkt í háskólaráði þann 2. júní 2016. Skv. því skal vísindanefnd skipuð formönnum vísindanefnda fræðasviða eins og áður en aðstoðarrektor vísinda er formaður nefndarinnar, skipaður af rektor. Hlutverk nefndarinnar er mótun stefnu á sviði vísinda við Háskóla Íslands og vera háskólaráði og rektor til ráðuneytis.

Verkefni vísindanefndar háskólaráðs eru:

1. Að vera rektor, háskólaráði og háskólaþingi til ráðuneytis um hvað eina sem lýtur að rannsóknum og vísindastefnu háskólans;
2. að stuðla að umræðum og málþingum um rannsóknir í samráði við rektor;
3. að stuðla að því, í samvinnu við vísindanefndir fræðasviða, að framkvæma markmið Stefnu Háskóla Íslands 2016-2020 er lúta að rannsóknum, nýsköpun og framhaldsnámi;
4. að tilnefna kennara eða sérfræðinga vegna árlegrar viðurkenningar fyrir lofsverðan árangur í rannsóknum;
5. að stuðla að samvinnu milli fræðasviða og deilda Háskóla Íslands um þverfræðilegar rannsóknir;
6. að sinna öðrum málum sem rektor, háskólaráð eða háskólaþing kunna að fela nefndinni;

Aðal breyting á starfi nefndarinnar frá því sem verið hefur lýtur að úthlutun úr Rannsóknasjóði og Doktorssjóðum. Sérstök stjórn Rannsóknasjóðs, skipuð formönnum fagraða mun annast úthlutun úr þeim sjóðum og úthlutaði hún á haustmisseri 2016 í fyrsta skipti styrkjum úr Rannsóknasjóði, fyrir árið 2017.

Í upphafi árs 2016 lauk vísindanefnd úthlutun úr Rannsóknasjóði fyrir það ár en matsvinnan átti sér stað á haustmisseri 2015. Við úthlutun fyrir 2016 var unnið samkvæmt viðmiðum sem sett voru árið áður og var ætlað að samræma betur en áður mat á verkefnum og ritvirkni umsækjanda. Við úthlutun var lögð áhersla á að styrkja sem flest verkefni sem stóðust mat á vísindagildi og virkni umsækjanda. Umsóknir í sjóðinn voru 294 og alls voru 274 verkefni styrkt. Alls var úthlutað um 248 m.kr. úr Rannsóknasjóði fyrir árið 2016. Hver styrkur nam að meðaltali 904 þús.kr. Á vormisseri voru einnig veittir styrkir til ráðstefnuferða stúdenta í doktorsnámi. Þá var einnig úthlutað styrkjum til 32 doktorsnema úr doktorssjóðum Háskóla Íslands. Í ár voru umsóknir alls 146 (sjá nánar kafla um doktorsstyrki). Faglegt mat á umsóknum var, samkvæmt reglum, í höndum vísindanefndar og fagraða hennar. Var umsóknum forgangsraðað eftir vísindalegu gildi verkefnis, vísindalegri hæfni leiðbeinenda og náms- og rannsókniferli stúdents.

Önnur verkefni vísindanefndar á árinu lutu aðallega að áframbaldandi endurskoðun á Rannsóknasjóði og breyttu fyrirkomulagi varðandi umsóknir, styrkveitingar og úrvinnslu. Einnig var unnið við að skerpa á áherslum um mat á umsóknum um doktorsstyrki. Nefndin tilnefndi einnig vísindamenn vegna viðurkenningar fyrir rannsóknir.

Skipan vísindanefndar

Nefndina skipuðu árið 2016:

- Guðbjörg Linda Rafnsdóttir, formaður, aðstoðarrektor rannsókna og prófessor á Félagsvísindasviði.
- Tinna Laufey Ásgeirsdóttir, prófessor á Félagsvísindasviði.
- Unnur Dís Skaptadóttir prófessor á Félagsvísindasviði, varamaður Tinnu á haustmisseri.
- Valur Ingimundarson, prófessor á Hugvísindasviði.
- Sigurður Gylfi Magnússon, prófessor á Hugvísindasviði, varamaður Vals, á vormisseri.

- Björn Þorsteinsson, prófessor, á Hugvísindasviði, varamaður Vals á haustmíssi.
- Oddur Ingólfsson, prófessor á Verkfræði- og náttúruvísindasviði, á vormíssi.
- Lárus Þorlacius, prófessor á Verkfræði- og náttúruvísindasviði, varamaður Odds á vormíssi, aðalfulltrúi á haustmíssi.
- Magnús Örn Úlfarsson, prófessor á Verkfræði- og náttúruvísindasviði, varamaður Lárusar á haustmíssi.
- Anna Kristín Sigurðardóttir, dósent á Menntavísindasviði.
- Ingólfur Ásgeir Jóhannesson, prófessor, varamaður Önnu Kristínar á vormíssi.
- Árni Kristjánsson, prófessor á Heilbrigðisvísindasviði.
- Fanney Þórsdóttir, dósent á Heilbrigðisvísindasviði, varamaður Árna á vormíssi.
- Sunna Símonardóttir, fulltrúi stúdenta.